



SÁMI ALLASKUVLLA EKSÁMEN- JA LOAHPALAŠ ÁRVVOŠTALLAMA LÁHKAÁSAHUS

SISDOALLU

§ 1	Doaibmaguovlu	2
§ 2	Definišuvnnat.....	2
§ 3	Fága-/oahppoplánat ja lohkanmearit	4
§ 4	Oahppovuoigatvuohta	4
§ 5	Oktagaslaš oahppoplána.....	4
§ 6	Permišuvnnat	5
§ 7	Vuoigatvuohta čadahit eksámena.....	5
§ 8	Eksámendieđiheapmi.....	6
§ 9	Vejolašvuohta váldit eksámena privatistan	6
§ 10	Giella.....	6
§ 11	Eksámenlágideapmi.....	7
§ 12	Jávkan eksámenis ja sisaaddinbargguid mañideapmi	7
§ 13	Mañiduvvon eksámen ja gearduneksámen	7
§ 14	Buoridit árvosániid	8
	§ 15 Eksámenvuogit ja –viidodagat	8
§ 16	Beassat eksámena dahje geahččaleami čadaheamis	8
§ 17	Eksámenčadaheapmi sierranas eavttuid vuodul.....	9
§ 19	Veahkkeneavvuid geavaheapmi eksámenis	9
§ 20	Verrošheapmi ja verrošangeahččaleapmi.....	9
§ 21	Árvosátnevuogádat	10
§ 22	Sensordat, sensorortnegiid ja sensoráigemearri	10
§ 23	Eksámenlágideami formála meattáhusaid váidin.....	11
§ 24	Čilgehus mearriduvvon árvosátnái ja árvosáni váidin.....	12
§ 25	Duodaštusat	13
§ 26	Bajit dási lágat / referánssat	13
§ 27	Dárkilat njuolggadusat.....	14
§ 28	Fápmuibohtin	14

Mearriduvvon Sámi allaskuvlla stivrras guovvamánu 15. beaivvi,

LOV 2005-04-01 nr 15 Universitehtaid ja allaskuvllaid lága , § 3-9 7.čuooggá vuodul.

Loahpalaččat dohkkehuvvon Sámi allaskuvlastivrras 15.06.2011 áššis S-ášši 29/11. Rievdaduvvon Sámi allaskuvlla stivrras 28. – 29.09.2015 áššis S-ášši 40/15.

§ 1 Doaibmaguovlu

Dát lánkaásahus gusto buot studeanttaide geat oassálastet Sámi allaskuvlla oahpuide ja kurssaide, ja geain lea vuoigatvuohta čađahit eksámena Sámi allaskuvllas lánkaásahusa § 7 vuođul. Lánkaásahus gusto maiddái olggobealruhtaduvvon oahpuid/ oahppoovttadagaid eksámeniidda go Sámi allaskuvla galgá duođástit studeanttaid gelbbolašvuođa.

Jus leat erohusat dán lánkaásahusas ja rámmaplánas mat gustojit oahpahussii, de gustojit rámmaplána njuolggadusat.

§ 2 Definišuvnnat

Lánka	Lánka mearkkaša Lov 2005-04-01 nr 15: Lov om universiteter og høyskoler / Universitehtaid ja allaskuvllaid lánka. (U/A lánka)
Studeanta	Studeanta lea son gii lea ožžon oahpposaji studeantasisaváldima bokte, dahje son geas lea vuoigatvuohta čađahit eksámena U/A lága §§ 3-6 ja 3-7 vuođul.
Privatista	Privatista lea son gii lea dieđihan iežas eksámenii U/A lága § 3-10 vuođul, vaikko ii leat sisaváldon studeantan allaskuvlla fágii dahje ohppui .
Oahpporiekti / vuoigatvuohta	Oahpporiekti lea sus gii lea ožžon oahpposaji studeantasisaváldima bokte, lea máksán studeantadivvaga gustovaš lohkanbadjái ja lea registrerejuvvon studeantan allaskuvlii. Riekti addá vuoigatvuođa searvat organiserejuvvon oahpahussii, bagadallamii (oktagaslaš ja joavkkus), bargohárjehallamiide jnv., gusto makkár ohppui lea sisaváldojuvvon.
Kandidáhtta	Kandidáhtta lea studeanta gii lea dieđihuvvon eksámenii.
Rámmaplána	Rámmaplána lea plána oahpuide maid departemeanta lea bidjan našunála rámmaid oahpuid sisdollui.
Fágaplána	Fágaplána lea plána mii čilge mo ovttaskas allaskuvla lágida oahpu masa gávdno rámmaplána. Fágaplánas galgá boahit ovdan goas lea dohkkehuvvon allaskuvllas, ja makkár rámmaplána vuođul lea ráhkaduvvon. Fága namma galgá leat seammalágán fágaplánas go rámmaplánas.
Oahppoplána	Oahppoplána lea plána mii čilge mo allaskuvla lágida oahpu masa ii gávdno rámmaplána., omd integrerejuvvon oahppu.
Prográmmaplána	Prográmmaplána lea plána mii čilge mángga jagáš oahpu, oahppoprográmma. Oahppoprográmmas leat mánggat oahppoovttadagat main leat sierra oahppoplánat
Fáddá, fága dahje oahppoovttadat	Viidodat mihtiduvvo oahppočuoggáid mielde mas loahpalaš árvoštallan.
Fáddájoavkku	Fáttáid/oahppoovttadagaid kombinašuvdna mii lea definerejuvvon sierra oahppo-/fágaplánain ja gártada obbalaš oahppofálaldaga

Lohkanmearri (Pensum)	Lohkanmearri lea geatnegahttojuvvon dieđalaš čállosat maid galgá hálddašit eksámenis.
Oahppoprográmma	Ovttá dehe mángga jagi ollislaš oahppu mii loahpahuvvo grádan, ja mii almmuhuvvo sierra oahppofálaldahkan
Gráda	Gráda lea oahppu/oahppoprográmma vissis viidodagas, mii addá rievtti oahppoduođastussii (vitnemål).
Eksámen	Doaba geavahuvvo eksámeniid ja geahččalemiid oktavuodas, dalle go boadus galgá leat oassin oahpu loahpalaš árvosánis ja galgá oahppoduođastussii dahje árvosátnečállosii.
Manjiduvvon eksámen	Manjiduvvon eksámen lea eksámen mii lágiduvvon kandidáhtaide geat ledje dohkálaš sivain (buozalmasvuodáduođastusain) eret ordineara eksámenis.
Gearduneksámen	Gearduneksámen lágiduvvo kandidáhtaide geat eai ceavzán ordineara eksámena.
Ođđa eksámen	Ođđa eksámen lágiduvvo dušše dalle go lágiduvvojit dábálaš eksámenat, jus allaskuvla ii mearrit earáládje. Dalle lea vejolaš buoridit árvosániid (čeahhit ođđa eksámena).
Geahččaleamit	Geahččaleamit (omd. sámegeilmáhtu giellageahččaleamit) main bohtosat eai boađe duođastusaide, muhto galget leat dohkkehuvvon ovdalگو studeanta sáhttá váldot studeantan oahppofálaldahkii.
Geatnegahtton barggut / bargogáibádusat	Geatnegahtton barggut / bargogáibádusat čeahheapmi ja dohkkeheapmi nu go ovdanbohtet iešguđet fága- ja oahppoplánain, leat eaktun beassat eksámeniidda/loahpahit fága/oahpu.
Diploma supplement	Diploma supplement lea loahpalaš oahppoduođastussii lasáhus, mii galgá veahkin ovddidit internašunála ipmárdusa allaskuvlavuogádaga ja ovttaskas studeantta oahpu birra. Diploma supplement galgá čuovvut originála loahppaduođastusa ja lea fámus/lobálaš/dohkkehuvvon dušše dainna fárrolaga.
Sensor	Fágaoahpaheaddji / fálaldaga fágalašovddasvástideaddji guhte árvvoštallá kandidáhtaid bargguid. Sensor sáhttá leat siskkáldas sensor (fágaoahpaheaddji) dahje olggobeal sensor.
Sensorbagadus	Sensorbagadus galgá sisttisdoallat unnimusat oppalaš árvvoštallankriteriijaid ja vejolaččat fágalaš árvvoštallankriteriijaid.

§ 3 Fága-/oahppoplánat ja lohkanmearit

Sámi allaskuvla eksámenat čađahuvvojit fága-/oahppoplánaid vuodul.

Fága- ja oahppoplánat galget dohkkehuvvot Sámi allaskuvlla stivrras dahje eará stivrenorgánas masá stivra lea ovddasvástádusa delegeren. Fága- ja oahppoplánat sáhttet rievdaduvvot gitta 6 mánu ovdal go eksámen lágiduvvo. Giđđalohkanbajis álgi oahpuide lohkanmearrelistut galget leat dohkkehuvvon ovdal 15.10. Čakčalohkanbaji álgi oahpuide lohkanmearrelistut galget leat dohkkehuvvon ovdal 15.5. Oanehisáiggeoahpuid lohkanmeari ii sáhte rievdadit maŋŋel go oahppu lea álgán. Erenoamáš dáhpáhusain sáhtta stivrenorgána, masá stivra lea ovddasvástádusa delegeren, spiehkastit dán njuolggadusas.

§ 4 Oahppovuoigatvuohta

1. Gustovaš oahppovuoigatvuođa oažžu go beassá sisa ohppui, máksá lohkanbadjedivvaga ja registrere guoskevaš áigemeeriid siskkobealde. Studeanttat oahpuin mat dahket 60 oahppočuoggá dahje eambo jahkái fertejit dohkkehit oktagaslaš oahppoplána guoskevaš áigemeeriid siskkobealde. Jus ii deavdde dáid eavttuid, de gessojuvvo oahppovuoigatvuohta automáhtalaččat.
2. Dat gii lea dohkkehan oahpposaji fálaldaga doalaha oahppovuoigatvuođa 50 % áiggi maŋŋel normerejuvvon oahppoáiggi, dahje unnimusat jagi. Allaskuvla sáhtta, jus studeanta ohcá, spiehkastit mearrádusas. Maŋiduvvon oahppoálgín ja gaskaboddosaš eretbidjan allaskuvllas ii guoskka ráddjejuvvon áigemearrái.
3. Go studeanta ii ollašuite oahpu dahje fáttá normerejuvvon oahppoáiggis, ja jus dan gaskkas leat oahppo- dahje fágaplánat dovdomassii rievdan, de bistá vuoigatvuohta čađahit álggahuvvon oahppo- dahje fágaplána ovtta jagi maŋŋel go rievdadus bođii fápmui.
4. Studeanta sáhtta massit oahppovuoigatvuođa oahpus masa lea beassan čuovvovaš diliin:
 - a. Studeanta lea rasttildan normerejuvvon áiggi mearriduvvon rájiid.
 - b. Studeanta lea geavahan iežas vejolašvuođaid váldit eksámena dahje hárhellanáigodaga rámma-, fága- dahje oahppoplánaid ektui dahje dán láhkaásahusa ektui.
 - c. Studeanttas ii leat permišuvdna ii ge leat váldán ja ceavzán eksámena maŋemus oahppojagis. Allaskuvla dahká mearrádusa masson oahppovuoigatvuođa birra. Mearrádusa sáhtta váldit.
5. Oahppovuoigatvuohta nohká automáhtalaččat go :
 - a. Studeanta ieš duođašta ahte son geassáda oahppoprográmmas.
 - b. Oahppu lea čađahuvvon ja duođaštusat leat čálijuvvon.
6. Dat gii massá oahppovuoigatvuođa dán paragrafa nr. 4a) ja c) mielde, sáhtta odđasit ohcat beassat ohppui, ja ferte dalle čuovvut gustovaš fága-/oahppoplána.

§ 5 Oktagaslaš oahppoplána

Allaskuvlla ja studeantta gaska mii váldá oahpuid mat dahket 60 oahppočuoggá dahje eambo, galgá ráhkaduvvot oktagaslaš oahppoplána. Oahppoplánas galget leat mearrádusat allaskuvlla ovddasvástádusa ja geatnegasvuođaid birra studeantta ektui, ja studeantta geatnegasvuođat allaskuvlla ja mielstudeanttaid ektui.

Oktagaslaš oahppoplána galgá leat ráhkaduvvon nu ahte studeanta galgá sáhttit čađahit plánejuvvon oahpu dahje oahppomannolaga normerejuvvon áiggis ollesáigge- dahje oasseáiggestudeantan. Oktagaslaš oahppoplána sáhtta rievdadit allaskuvlla ja studeantta šiehtadusa bokte, ja studeanta galgá dohkkehit dan juohke lohkanbajis mearriduvvon áigemeeriid mielde.

§ 6 Permišuvnnat

Dábálaččat ii addojuvvo permišuvdna ovdal go studeanta lea čađahan 30 oahppočuoggá dahje eambo. Dábálaččat addojuvvo permišuvdna gitta jahkái. Allaskuvla mearrida permišuvdnaohcama. Allaskuvla sáhtá miedihit addit permišuvnna eambo go jagi ovdamearkka dihte riegeáhttima/adopšuvnna, militeara dahje siviila vearjogeatnegasvuoda, buozanvuoda ja eará erenoamáš sivaidd geažil.

§ 7 Vuoigatvuohta čađahit eksámena.

1. Vuoigatvuohta čađahit eksámena bohtá ovdan U/A lága § 3-10. Vuoigatvuohta čađahit eksámena lea sus geas lea oahpporiekti, vrd § 4, ja gii deavdá eará gáibádusaid mat leat biddjon fága/oahppoovttadaga eksámenčađaheapmái.

2. Fága- ja oahppoplánain galget bohtit ovdán geatnegahtton bargogáibádusat mat galget leat čađahuvvon ja dohkkehuvvon ovdal go studeanta beassá čađahit eksámena/-iid.

Eksámendieđiheapmi dán paragrafa mielde sáhtá gildojuvvot jus kandidáhtta ii leat oassálastán geatnegahtton oahpaheapmái, dahje jus ii leat čađahan geatnegahtton hárhallama ja geatnegahtton njálmmálaš, čálalaš dahje praktihkalaš bargguid.

Sierranas ohcama vuodul sáhtá studeantta oážžut geatnegahtton bargguid heivehuvvot seamma prinsihpaid vuodul go § 17 Eksámenčađaheapmi sierranas eavttuid vuodul. Ohcama meannuda hálddahu ovttasráđiin oahpu fágalaš jođiheddjiin.

3. Go eksámenis/fágas/oahppoovttadagas leat mánga oasseeksámena, vrđ. § 6, fága ii leat ollislaš ovdal buot oasseeksámenat leat dohkkehuvvon/cevzon.

4. Ii beasa geahččalit čađahit eksámena eanet go golmma gearde ovtta fágas/oahppoovttadagas, ja dát ferte dáhpáhuvvat guovtti jagi siskobealde. Dát guoská maiddái mañiduvvon eksámeniidda. Studeanttat geat eai leat dieđihan iežaset eksámenii guovtti jagis, fertejit čađahit olles oahppoovttadaga ođđasit. Studeanta árvvoštallojuvvo leat bohtán eksámenii jus son geassáda mañjel go eret dieđihanáigi lea dievvan, jus ii boađe eksámenii, jus ii atte vástádusa, dahje jus bohtá eksámenii ja geassáda eksámena vuolde. Erenoamáš dáhpáhusain, sáhtá allaskuvla spiehkastit dán mearrádušas studeantta ohcama vuodul. Go studeanta lea váldán eksámena ođđasit, de gusto buoremus árvosátni.

5. U/A lága § 3-4 mielde studeanta gii lea ovdal čađahan dihto oahpu/fága, son ii sáhte oáččut dohkkehuvvot oahpu/fága mas lea seamma fágasisdoallu go ovdal čađahan oahpus.

6. Studeanta gii ii ceavzze hárhallama ferte čađahit hárhallama ođđasit ovdal go oážžu oahppoprográmma dohkkehuvvot loahpalaččat. Studeanta oážžu vejolašvuoda čađahit hárhallama ođđasit go allaskuvla fas lágida dákkár hárhallama, vrd. oahppoprográmma hárhallanplána. Studeanta gii nuppes ii ceavzze seammá hárhallama ferte heaitit oahpus. Studeanttat geat erenoamáš sivaidd geažil eai sáhte oassálastit ovtta hárhallamii, sáhttet ohcama vuodul beassat čađahit hárhallanáigodaga sierra vuogi mielde (omd. smávit osiid mielde), ovdal go galget čađahit bohtte hárhallanáigodaga.

§ 8 Eksámendiediheapmi

1. Dieđihanáigemearit leat maŋjimuštá čakčamánu 15. beaivvi čakčalohkanbaji eksámeniidda ja guovvamánu 15. beaivvi giđđalohkanbaji eksámeniidda, muhto eará áigemearit sáhttet siskkáldasat šiehttojuvvot jus eksámenat lágiduvvojit olggobealde dáid mearriduvvon eksámenáigodagaid/áigemeriid.
2. Lea eksámenkandidáhta geatnegasvuohta iskat ahte son lea dieđihuvvon eksámenii ja/dahje rievttis fágas / oahppoovttadagas.
3. Kandidáhtta galgá geavahit vásedin ráhkaduvvon skovi go dieđiha iežas eksámenii, dahje sáhttá dieđihit StudentWeb bokte neahtas. Namuhuvvon áigemearit gustojit maiddá maŋjiduvvon- ja gearduneksámeniidda.
4. Kandidáhtta gii lea dieđihuvvon eksámenii, sáhttá geassádit eksámenis. Son ferte geassádit eksámenis čálalaččat unnimusat 10 beaivvi ovdal eksámena.
5. Kandidáhtta gii geassáda eksámenis dohkálaš siva haga ii sáhte gáibidit ođđa eksámena čađahit ovdal go nuppes lágiduvvo ordineara eksámen fágas. Son gii dohkálaš siva haga geassáda eksámenis unnit go 10 beaivvi ovdal eksámena, dahje eksámenlanjas, dahje oažžu árvosáni “ii ceavzán” eksámenis, lohko ahte kandidáhtta lea geavahan ovttá vejolašvuođa dan golmma eksámenvejolašvuođas mat sus leat. Dohkálaš siva mii addá vuoigatvuođa čađahit maŋjiduvvon eksámena lea buozalmasvuohta dahje earenoamáš dilálašvuođa ja galget leat duođaštuvvon.

§ 9 Vejolašvuohta váldit eksámena privatistan

1. Privatista lea persovdna nu go čilgejuvvon láchkaásahusa 1. §:s “Privatista”.
2. Vejolašvuohta váldit eksámena sáhttá hilgojuvvot lága § 3-10 nr. 2 mielde jus privatista ii leat čuvvon geatnegahtton oahpahusa dahje ii leat čađahan geatnegahtton hárbjehallama.
3. Privatisttat fertejit dieđihit iežaset eksámenii, ja vejolaččat ohat dohkkehuvvot ovdaoahpu dahje hárbjaneami gáibádusaid, ovdal mearriduvvon áigemeriid: čakčamánu 1. beaivvi čakčajahkebealis ja guovvamánu 1. beaivvi giđđajahkebealis, jus allaskuvla ii leat mearridan eará áigemeriid. Duođaštus dan oahpu lohkašvuođas masa eksámen guoská, ferte biddjot eksámendiediheami mielddusin. Allaskuvla mearrida leat go dieđiheami eavttut devdojuvvon.
4. Privatisttat fertejit máksit eksámendivvaga nu olu go stivra mearrida. Eksámendivat ferte leat máksjuvvon ovdal dieđihuvvon áigemeari. Privatisttat geat eai leat máksán eksámendivvaga áiggebáale, eai beasa váldit eksámena.
5. Privatisttat fertejit eksámendivvaga lassin máksit lohkanbadjedivvaga studeantaovttastusaid lága mielde oktan njuolggadusaiguin. Privatisttain geat leat máksán lohkanbadjedivvaga, lea vuoigatvuohta oažžut studeantakoartta ja sii besset atnit ávkki fálaldagain maid Sis-Finnmárkku studeanttaid ovtastus fállá.

§ 10 Giella

Sámi allaskuvlla oahpahus ja eksámenbarggut leat sámegillii, nu guhkká go eará ii leat mearriduvvon fága- ja oahppoplánaid.

§ 11 Eksámenlágideapmi.

Eksámen čađahuvvo dábálaččat dan lohkanbaji go oahppoovttadaga oahpahus loahpahuvo.

1. Eksámenplána

- a. Dábálaččat leat guokte válde eksámenáigodaga (giđđalohkanbadji ja čakčalohkanbadji), muhto Sámi allaskuvlla sáhtá lágidit eksámeniid birra oahppojagi dađi mielde mo oahput juhkkovuođat oahppoovttadagaide ja movt dat lágiduvvojit.
- b. Eksámenáiggit almmuhuvvojit sierra eksámenplána bokte unnimusat mánu ovdal go eksámen fágas/oahppoovttadagas čađahuvvo. Eksámenplána dohkkeha fágahálddahušoa. Erenoamáš dáhpáhusain sáhtá rievdadit eksámenplána. Rievdadusat eksámenplánii galget almmuhuvvot gullelaš orgánaide nu fargga go vejolaš.

§ 12 Jávkan eksámenis ja sisaaddinbargguid mañideapmi

Jus iežas buozanvuolta dahje lagas bearraša buozanvuolta/jápmín/lihkohisvuolta (heahtedilli) dagaha ahte studeanta ii sáhte boahit eksámenii, de ferte addot čálalaš doavttirduođastus mii čilge jávkama eksámenbeaivvi jus jávkan galgá leat dohkálaš. Dohkálaš jávkama duođastus galgá addot allaskuvla 5 beaivvi sisa mañjel eksámendáhtona.

Jus ruovttueksámena sisaaddin mañjona, de sáhtá oahppohálddahuš addit gitta 48 liigediimmu, jus dalán sáhtá čálalaš doavttirduođastusain duođastit ahte lea ovdamearka dihte iežas fáhkka buozanvuolta dahje buozanvuolta/jápmín/lihkohisvuolta (heahtedilli) lagas bearrašis mii lea mañjoneami sivvan. Máhppaárvoštallama dahje guhkit áiggi bargguid sisaaddima olis ferte fágaovddasvástideaddji árvoštallat guhkidit áigemeari goappáge dáfus ovttrasráđiid oahppohálddahušain.

§ 13 Mañiduvvon eksámen ja gearduneksámen

1. **Mañiduvvon eksámen.** Mañiduvvon eksámen lágiduvvo kandidáhtaide geat dohkálaš sivaide geažil eai čađahan dábalaš eksámena. Allaskuvla ii lágidit ođđa mañiduvvon eksámena jus studeanta lei buohcci mañiduvvon eksámenis. Studeanta ferte de čađahit mañiduvvon eksámena go nuppes lágiduvvo dábalaš eksámen
2. **Gearduneksámen.** Kandidáhtat geat eai ceavzán ovddit eksámena sáhttet čađahit gearduneksámena go lágiduvvo mañiduvvon eksámen fágas, dahje go nuppes lágiduvvo dábalaš eksámen fágas. Oahppolávdegoddi sáhtá spiehkastit dán njuolggadusas erenoamáš sivaide geažil (vrd. §2 nr. 5).
3. **Eksámenáiggit.** Mañiduvvon eksámen ja / dahje gearduneksámen lágiduvvo dábálaččat mañit lohkanbajis, ja sáhtá lágiduvvot ovttas gearduneksámeniin / mañiduvvon eksámeniin seammá fágas.
4. **Eksámenčađaheapmi eará sajes go gos ordineara eksámen lágiduvvo.** Lea vejolaš sierra ohcama bokte čađahit eksámena eará sajes go doppe gos ordineara eksámen lágiduvvo. Sámi allaskuvla eaktuda ahte son gii ohcá dákkár vejolašvuotta ieš gokčá visot liigegoluid mat ležžet dán oktavuodas, ja ahte eksámen čađahuvvo allaskuvlla dohkkehan ásahusas. Dákkár ohcamat meannuduvvojit hálddahušlaččat, ja ohcan galgá hálddahuš unnimusat golbma vahku ovdal eksámena, ja 5 vahku ovdal jus eksámen galgá čađahuvvot olgoriikkas. Sámi allaskuvlla stivra mearrida liigebarggu oktavuodas sierra divada.

- 5. Joavkoeksámen / loahpalaš joavkogeahččaleapmi.** Kandidáhtat geat eai leat ceavzán joavkoeksámeha, dahje geain lei dohkálaš sivva jávkat joavkoeksámenis, galget joavkoeksámeha sadjái čađahit viiddiduvvon oktagaslaš eksámeha. Muđui čujuhuvvo joavkobarggu njuolggadusaide.

§ 14 Buoridit árvosániid

Lea vejolaš buoridit árvosániid (čađahit ođđá eksámeha).

- a. Dán sáhttá dahkat dušše dalle go lágíduvvojit dábálaš eksámenat, jus allaskuvla ii mearrit earáládje.
- b. Kandidáhtta ferte čađahit eksámeha dan lohkanmeari ja daid eksámenbihtáid vuodul mat gustojit ođđá eksámehii, vrd. liikká § 2 nr. 8.

Dán paragrafii gustojit dábálaš eksámendieđihanáigemearit.

§ 15 Eksámenvuogit ja –viidodagat

1. Eksámenvuogit ja geahččalemiid ja bargobihtáid viidodagat galget boahit ovdan gustovaš fága- dahje oahppoplánain.
2. Čuovvovaš eksámenat sáhttet leat oassin loahpalaš árvvoštallamis. Dáin sáhttá dušše okta dahje kombinašuvdna mánggain:
 - čálalaš oktagaslaš eksámen vávttaid bearráigeahču vuolde (skuvlaeksámen)
 - njálmmálaš eksámen juogo oktagaslaččat dahje joavkkus
 - čálalaš ruovttueksámen juogo oktagaslaččat dahje joavkkus
 - praktihkalaš hárvjehusat ja barggut (hárvjehallan)
 - ovdanbuktimat/ čájálmasat juogo oktagaslaččat dahje joavkkus
 - Portefolie/ máhppaárvvoštallan - studeanta ieš vállje geatnegahtton ja dohkkehuvvon bargguid čájehanmáhppii
 - Bargopearbma- buot geatnegahtton ja dohkkehuvvon barggut čohkkejuvvon bargoperbmii
 - prošeaktabarggut (lohkanbadjebarggut)

§ 16 Beassat eksámeha dahje geahččaleami čađaheamis

1. Studeanta sáhttá U/A lága § 3-5 mielde beassat eksámeha dahje geahččaleami čađaheamis, jus sáhttá duođástit ahte son lea juo čađahan vástideaddji eksámeha dahje geahččaleami seammá ásahusas dahje eará ásahusas.
2. Oahppoduođástusas galgá boahit ovdán makkár oahppoovttadagas /-ovttadagain studeanta lea beassan.
3. Sámi allaskuvlla stivra lea dán lánkaásahusa bokte addán fápmudusa Dutkan- ja oahppostivrii mearridit áššiid go studeanttat leat ohcan beassat eksámeha dahje geahččaleami čađaheamis.
4. Ohcan beassat eksámenis galgá ovddiduvvot farggamusat go oahpahus lea álgán, ja mañemusat 4 vahku mañjel go oahppojahki/ lohkanbadji lea álgán.
5. Studeanttas lea alddis ovddasvástáduš duođástit gelbbolašvuoda man vuodul ohcá beassat, mat leat dárbbalaččat ohcama meannudeapmái.

§ 17 Eksámenčádaheapmi sierranas eavttuid vuodul.

1. Allaskuvla sáhtta miedihit sierranas eksámeneavttuid kandidáhtaide geat duođaštit erenoamáš lohkan- / čállinváttuid, doaimmashehttejuvvon kandidáhtaide, áhpehis kandidáhtaide geat dárbbasit vuoiŋgastit, kandidáhtaide geat njamahit njuoratmánáid jna. Sierranas eksámeneavttut sáhttet leat erenoamáš fysihkalaš heiveheamit, veahkkeneavvut (pc jna.) ja viiddiduvvon eksámenáigi.
2. Kandidáhtat geat dárbbasit čađahit eksámena sierranas eavttuid vuodul, fertejit ohcat dákkár vejolašvuoda unnimusat guokte vahku ovdal eksámena. Jus lea fáhkka čuožžilan dilálalašvuoha, de sáhtta spiehkastit áigemearis. Duođaštusas ferte boahit ovdan sierranas eksámeneavttuid dárbu, ja doavttirduođaštus/logoped/psykolog ferte čilget makkár erenoamáš dárbbut kandidáhtas leat eksámenčádaheami oktavuodas. Erenoamáš eksámenortnegiid ferte ohcat čálalaččat sierra juohke eksámenáigodahkii. Go bistevas buozanvuoha lea duođaštuvvon, lea doarvái ahte kandidáhtta buktá doavttirduođaštusa vuosttaš háve go ohcá sierraortnegiid eksámeniidda. Ohcamat meannuduvvojit hálddahuslaš ovttasráđiid fágasurggiin.
3. Jus kandidáhtta geas lea dysleksi dahje eará lohkan-/čállinváttut háliida, de sáhtta allaskuvla bidjat čállosa mii duođašta dáid váttuid eksámenvástádussii mielddusin (duođaštus anonymiserejuvvo). Kandidáhtta geas lea fágalaččat duođaštuvvon dysleksi dahje eará lohkan-/čállinváttut sáhtta beassat njálmmálaččat bealuštit iežas čálalaš eksámenvástádusa. Jus kandidáhtta vällje bealuštit eksámenvástádusa njálmmálaččat, de galgá dát bealušteapmi deattuhuvvot loahpalaš árvosáni mearrideamis.
4. Čálalaš eksámeniid oktavuodas dábálaččat viiddiduvvon eksámenáigi ii galgga dahkat eanet go 25 % dábálaš eksámenáiggis, eanemustá 1 diibmu.
5. Ruovttueksámeniid oktavuodas dábálaččat viiddiduvvon eksámenáigi lea 1 beaivi (24 diimmu).

§ 19 Veahkkeneavvuid geavaheapmi eksámenis

Veahkkeneavvut eksámenii sáhttet leat čálalaš dahje prentejuvvon veahkkeneavvut, ja eará veahkkeneavvut mat gullet iešguđet fágaide. Vejolaš veahkkeneavvut eksámenii galget leat diedihuvvon ovdagihtii. Galgá maiddái boahit ovdan eksámenbargobihtás makkár veahkkeneavvuid oažžu geavahit. Listu makkár veahkkeneavvuid oažžu geavahit eksámenis, man sensorkommišuvdna dohkkeha, galgá sensorkommišuvnna bealis almmuhuvvot unnimusat 5 beaivvi ovdal go eksámen lágiduvvo.

§ 20 Verrošeapmi ja verrošangeahččaleapmi

1. Lea verrošeapmi go studeanttas leat eará go lobálaš veahkkeneavvut veahkkin eksámenis, dahje jus earáládje bargá eksámennjuolggadusaid dahje gáldogeavaheami njuolggadusaid vuostá.
2. Jus dakkár eksámena vuolde gos lea bearráigeahčču badjána dilli mii dahká ahte studeanta sáhtta sivahallojuvvet verrošan, de galgá dakkaviđe fuomášuhttit studeantta ahte ášši boahat diedihuvvot hálddahussii viidáset čuovvoleapmái. Studeanta oažžu dalle vejolašvuoda välljet áigu go gaskkalduhttit vai joatkit eksámena. Seamma guoská studeanttaide geat leat veahkkin leamaš verrošeamis, gč. nr. 5.
3. Jus oktagaslaš ruovttueksámena vuolde badjána dilli mii dagaha ahte ovttaskas kandidáhta loahpalaš boadus ii sáhte daddjot leat oktagaslaš ja iešheanalaš bargu, de galgá hálddahussii diedihuvvot. Jus maŋjel čájehuvvo ahte guokte dahje eambo vastádusa čielgasit leat huksejuvvon seamma originálabarggu vuodul dahje ahte lea seamma olmmoš duogábealde dahje oktasaš disposišuvdna, de rehenastojuvvojit buot bealálaččat verrošan.

4. Geavahuvvon gálduid referánssat galget almmuhuvvot. Mañisčállin dahje mángen gáldodieđuid haga rehkenastojuvvo verrošeapmin, beroškeahttá gáldus. Eksámenvástádusat galget álo leat originála, iešheanalaš ja oktagaslaš barggut, earret dalle go bargobihtás čielgasit boahttá ovdan ahte váldonjuolggadusas sáhtttá spiehkastit. Vástádus ii galgga ovdal leat addon eksámenvástádussan iežas ii ge eará ásahusain.
5. Kandidáhtat geat mielaeavttus dahje roavva fuolatmeahttunvuodas dagahit ahte earát verrošit, leat maiddáid verrošan, beroškeahttá eksámenvuogis.
6. Studeanta mii lea verrošan dahje geahččalan verrošit, sáhtttá eksámena oažžut sihkkojuvvot, gč. U/A-lága § 4-7 nr. 1 ja/dahje sáhtttá biddjot eret skuvllas, gč. § 4-8 nr. 3.

§21 Árvosátnevuogádat

1. Árvosátnevuogádat eksámeniidda, geahččalemiide, bargguit árvvoštallamiidda dahje eará árvvoštallamii geavahuvvo ceavzán/ii ceavzán dahje árvvoštallankriteriijaid mielde, ceavzán árvosániit A - E ja ii ceavzán árvosáni F čuovvovaččat:

Árvo- bustáva	Árvosáni	Árvvoštallankriteriijaid (-ceahkkálasa) oppalaš, kvalitatiiva govvádus
A	Válljugas	Válljugas bargu mii goargguha iešheanalisvuodain.
B	Ávddalaš	Ávda bargu, mii lea gaskadási, ja mas vuhtto iešheanalisvuohtha.
C	Buorre	Gaskadási bargu, mii buori muddui deavdá fágaosiid gáibádusaid.
D	Buorrelágan	Bargu lea vulobealde gaskaárvvu. Das leat váilevašvuodát guovddáš áššiin.
E	Dohkkehahtti	Bargu lea dohkkehahtti ja deavdá vuolimus gáibádusaid, muhto ii dađe eanet.
F	Dohkkesmeahtun	Bargu ii deavdde vuolimus gáibádusaid.

Lagat árvvoštallankriteriat bohtet ovdan árvosátnevuogádagas maid Sámi allaskuvlla geavaha ja mas lea árvosániid oppalaš čilgehus.

2. Bustávvaárvosániit vástidit lohkoárvvuide ná: A=5, B=4, C=3, D=2, E=1 og F=0. Lohkoárvvut geavahuvvojit go rehkenastá loahpalaš árvosáni fáttáin go mánga oasseeksámena galget lohkkot dahje go mánga fáddábohtosa galget lohkkot fáttá oppalaš loahpalaš árvosátnái. Geavahuvvojit dábbalaš jorbennjuolggadusat.
3. Ceavzán/ii ceavzán ii berre geavahuvvot nu olu ahte oppalaččat dahká badjel beali fága-/oahppoplána oahppočuoggáin.
4. Guđe árvosátnevuogádaga galgá geavahit guđege eksámenis geahččaleamis dahje bargoárvvoštallamis, mearriduvvo fága- ja oahppoplánain ja bohtet ovdan dain.
5. Njuolggadusat loahpalaš árvosáni meroštallamis dakkár fáttás mas leat mánga oasseeksámena, mearriduvvojit allaskuvllas ja galget boahttit ovdan fága- ja oahppoplánain.

§ 22 Sensorat, sensorortnegiid ja sensoráigemearri

1. Dutkan- ja oahppostivrra mearrida dárkilat sensorortnegiid, ja nammada eksámenkommišuvnna eksámeniidda ja /dahje oasseeksámeniidda mat leat oassin loahpalaš árvosáni. Son guhte nammaduvvo sensoriin, miehtá seammás leat sensoriin maiddáid geardun / mañiduvvon eksámenis. Liigesensorat nammaduvvojit eksámeniidda main lea váidinvejolašvuohtha (U/A § 3-9) Liige-/váiddasensorat (guokte) nammaduvvojit seammás go ordineara sensorat, ja dáin unnimusat nubbi galgá leat olggobeale sensor. Sensorat nammaduvvojit čuovvovaččat:

- 1. sensor – Fágaoahpaheaddji / fálaldaga fágalašovddasvástideaddji
- 2. sensor- siskkáldas sensor (fágaoahpaheaddji) dahje olggobeal sensor
- Liigesensor 1: Olggobeal sensor
- Liigesensor 2: siskkáldas sensor dahje olggobeal sensor

Masterdási dutkosii nammaduvvojit sensorat čuovvovaččat:

- 1. sensor – siskkáldas sensor
- 2. Sensor - olggobeale sensor
- Liigesensor 1: Olggobeal sensor
- Liigesensor 2: siskkáldas sensor

2. Olggobeal sensor ii galgga leat virggis Sámi allaskuvllas. Olggobeal sensor galgá deavdit unnimusat ovttá dain gelbbolašvuodagáibádusain:
 - a. Bargat unnimusat allaskuvlalektordásis eará oahppo- /dutkanásahusas
 - b. Earáladje duođaštit dieđalaš gelbbolašvuoda seammá dásis
 - c. Universitehta- /allaskuvládási sensorhárrjáneapmi fágas / oahpus
 - d. Bargohárrjáneami bokte háhkan erenoamáš fágalaš gelbbolašvuoda
3. Olggobealsensor geavaheapmi heivehuvvo iešguđet fága/oahppoovttadaga árvvoštallamii ja oasseeksámeniid. U/A lágá § 3-9 nr.1. mielde galgá leat olggobeale evalueren árvvoštallamiin dahje árvvoštallanvugiin. Olggobeal sensor berre árvvoštallat muhtun oasseeksámeniid dahje muhtun kandidáhtaid vástádusaid, dahje buot kandidáhtaid vástádusaid juohke 3. Geardde go lea árvvoštallan dán fágas/ oahppoovttadagas.
4. Eksámenkommišuvnna bargujuohkin
 - a.) 1. ja 2. sensor árvvoštallaba fága- ja oahppoplána, erenoamážit árvvoštallanvuogi, oahpu lágideami ja bargovugiid ektui.
 - b) 1. ja 2. sensor dohkkeheaba eksámenbihtáid fága- ja oahpu sisdoalu ektui ja bidjaba rámmaid árvvoštallamii. Dát raporterejuvvo liigesensoriid dárbbu mielde.
 - c) 1. ja 2. sensor árvvoštallaba kandidáhtaid eksámenvástádusaid. 2. sensor čállá sensorraportta.
 - d) Liigesensorat árvvoštallaba eksámenvástádusaid jus kandidáhtta váidá bohtosa Sámi allaskuvlla eksámennjuolggadusaid ja U/A lágá § 3-9. 1. liigesensor čállá sensorraportta váiddasensureremis.
5. Árvvoštallanáigemeardi
 - a. Árvvoštallanáigemeardi lea golbma vahku eksámenbeaivvi rájes / dan beaivvi rájes go kandidáhtta lea addán sisa eksámenvástádusa, jus árvvoštallanáigemeardi ii viiddiduvvo erenoamáš sivaidd geažil. Masterbargguid árvvoštallanáigemeardi lea 6 vahku.
 - b. Jus njálmmálaš dehe praktihkalaš eksámen lea maŋŋel čálalaš eksámena ja dasa čadnon, ja kandidáhtta ii ceavzze čálalaš eksámena, de ii beasa čađahit njálmmálaš/praktihkalaš eksámena.
6. Sensureret masterdási loahppaeksámeniid
Kandidáhta bagadalli ii galgga doaibmat masterdutkan sensorin. Dutkan- ja oahppostivra sáhtta earenomáš dilálašvuodain dohkkehit ahte eksámenkommišuvdna sáhtta gulahallat bagadalliin ovdal sensurerenčoahkkima. Bagadalli ii galgga oasálastit sensurerenčoahkkimii, ja dainna vugiin leat mielde árvosáni mearrideames. Eksámenkommišuvdna sáhtta dárbbu mielde bivdit bagadallis čálalaš čilgehusa bagadallanprosessii.

§23 Eksámenlágideami formála meattáhusaid váidin.

1. Eksámenkandidáhtta sáhtta váidit eksámenlágideami formála meattáhusaid. Váidináigemearri lea golbma vahku dan rájes go kandidáhtta fuomášii, dahje berresii fuomášan, ášši man dihte váidá. Stivra ieš, dahje stivrra váiddalávdegoddi, dahká mearrádusa váiddaáššis, vrd. U/A lága §§ 4-7 ja 4-8.
2. Jus leat dahkkon meattáhusat mat soitet váikkuhan studeantta eksámenčadaheapmái dahje eksámenárvoštallamii, de galgá árvoštallanmearrádus sihkkjuvvot. Jus lea vejolaš divvut meattáhusa ođđa árvoštallama bokte, de galgá bargu/eksámenvástádus árvoštallojuvvot ođđasit. Jus ođđa árvoštallama bokte ii leat vejolaš divvut meattáhusa, de galgá allaskuvla lágideami ođđa eksámena dahje geahččaleami, maid ođđa sensorat árvoštallet. Lea vejolaš váidit ođđa árvoštallama árvosáni, go ođđa árvoštallan lea dahkkon dán paragrafa mielde, vrd. § 5-2.
3. Jus studeanta lea gáibidan čilgehusa eksámenárvoštallamii dahje váidán árvosáni; de lohko váidináigemearri dán paragrafa mielde dan rájes go studeanta lea ožžon čilgehusa, dahje dan rájes go váiddaášši lea mearriduvvon.
4. Jus stivra dahje stivrra váiddalávdegoddi gávnaha ahte leat dahkkon formála meattáhusat eksámenlágideamis, de sáhtta mearridit ahte ođđa árvoštallan galgá dahkkot dahje ahte lágideami ođđa eksámen dahje geahččaleapmi. Dákkár mearrádus sáhtta dahkkot jus lea jáhkehahti ahte formála meattáhus lea váikkuhan ovttá dahje eanet kandidáhtaid eksámenčadaheapmái, dahje eksámenvástádusaid árvoštallamii.

§ 24 Čilgehus mearriduvvon árvosátnái ja árvosáni váidin.

1. Kandidáhtas lea vuoigatvuohta oažžut čilgehusa das mo su eksámenvástádus lea árvoštallojuvvon. Njálmmálaš dahje praktihkalaš eksámenis ferte kandidáhtta gáibidit dákkár čilgehusa dakkaviđe maŋŋil go árvosátni lea almmuhuvvon. Eará árvoštallamis ferte kandidáhtta gáibidit čilgehusa vahku sisa árvosáni almmuheami rájes, ii dattege eanet go golbma vahku maŋŋil árvosáni almmuheami.
2. Čilgehus árvosátnái galgá addot maŋimustá guokte vahku maŋŋil go kandidáhtta lea gáibidan dan. Eksámenárvoštallama oppalaš prinsihpat galget boahtit ovdan čilgehusas. Sensor sáhtta válljet addá go son čálalaš vai njálmmálaš čilgehusa.
3. Jus lea ráhkaduvvon čálalaš láidehus eksámenárvoštallamii, de galget studeanttat daid beassat oaidnit maŋŋel go árvosátnit leat mearriduvvon.
4. Kandidáhtta sáhtta čálalaččat váidit árvosáni golmma vahku sisa eksámenbohtosa almmuheami rájes. Jus kandidáhtta váidá, de galgá ođđa árvoštallan dahkkot. Jus kandidáhtta lea gáibidan čilgehusa árvosátnái dahje lea váidán eksámenbarggu / eksámenčadaheami / eksámenárvoštallama meattáhusaid; de lohko dán paragrafa váidináigemearri dan rájes go kandidáhtta oažžu čilgehusa, dahje dan rájes go váiddaášši lea mearriduvvon. Joavkoeksámena bohtosa váidin galgá vuolláičállon buot joavkku kandidáhtain ovdal go váidda meannuduvvo allaskuvlla bealis.

5. Oasseeksámeniid ja geatnegahtton bargguid árvvoštallamis lohko váidináigemearri dan rájes go oasseeksámena / geatnegahtton barggu árvosátni lea almmuhuvvon.
6. Váidináigemearri lohko dan rájes go árvosátni almmuhuvvui Class Fronterii / StudentWebii dahje njuolggá studentii. Árvosátni almmuhuvvojit dábálaččat kandidáhtanummáriid mielde.
7. Njálmmálaš eksámeha árvvoštallama, hárbhallama dahje eará árvvoštallama ii sáhte váidit jus geahččaleapmi lea dakkár ahte ii leat vejolaš árvvoštallat dan ođđasit. Sisaváldingeahččalemiid bohtosiid sáhtá váidit dušše dalle go ii leat ceavzán geahččaleami. Ii sáhte váidit ođđa árvvoštallama árvosáni go ođđa árvvoštallan lea dahkkon dán paragrafa vuodul, vrd. U/A lága § 5-3.

§ 25 Duodaštusat

1. Sámi allaskuvla čállá oahppoduodaštusaid čađahuvvon gráda, profešuvnnaoahpu, bachelorgráda, mastergráda dahje eará oahppoprográmma ovddas. Eará oahpuid ovddas mat eai adde gráda, čállo árvosátnečálus. Grádat mat loahpahuuvvet giđđalohkanbajis, čállojit dáhtoniin *geassemánu 20. beaivi*, ja grádat mat loahpahuuvvet čakcalohkanbajis, čállojit dáhtoniin *juovlamánu 20. beaivit*
2. Sámi allaskuvlla čáliha oahppoduodaštusaid sámegillii. Diploma Supplement ja Transcript of Records čuovvu oahppoduodaštusa mielddusin.
3. Jus studeanta manjel go lea čađahan fidnooahpu dahje gráda váldá eksámeha ođđasit fáttás dahje fágas mii lea oassin dán guoskevaš fidnooahpus dahje grádas, de čálihuuvvo ođđa árvosátnečálus.
4. Allaskuvla gáibida erenoamáš divada duplikáhtaduodaštusaid čállimis. Erenoamáš dáhpáhusain go sáhtá duohtan dohkkehuvvot dahje duođaštuvvot ahte oahppoduodaštus lea láhpon dahje billahuuvvan, de sáhtá čállot ođđa oahppoduodaštus.
5. Oahppoduodaštusas galgá ovdanboahhtit:
 - a. Ásahusa logo ja namma
 - b. Olahuuvvon gráda namahus ja oahppoprográmma namma
 - c. Oahpu ulbmilat ja gelbbolašvuohta
 - d. Kandidáhta namma ja riegádannumar
 - e. oahppočuoggát
 - f. Goas oahppu lea ollašuvvon loahpalaččat
 - g. Makkár osiin kandidáhtta lea beassan eará gelbbolašvuođa geažil ja makkár gelbbolašvuohta lea vuodđun eret beassamii
 - h. Namahus stuorát čálalaš bargguin
 - i. Árvosátnevuogádat / -skála.

§ 26 Bajit dási lágat / referánsat

Čujuhuuvvo dáidda:

1. Universitehtaid ja allaskuvllaid láhka: Lov 2005-04-01 nr. 15: Lov om universiteter og høyskoler

2. Hálddašanlálhka: Lov 1967-02-10 ne 00:Lov om behandlingsmåten i forvaltningsaker (forvaltningsloven) Rievdaduvvon Lov-2004-12-17-101 fra 2005-01-01.
3. Almmulašvuodalálhka; Lov om offentlighet i forvaltningen (offentlighetsloven LOV-1970-06-19-69) Rievdaduvvon LOV-2005-01-14-6.
4. Našunála rámmaplánat.
5. Riikaarkiivva kassašuvdnanjuolggadusat mat gustojit universitehtaide ja allaskuvllaide, beaiváduvvon 14.12.84.

§ 27 Dárkilat njuolggadusat

Sámi allaskuvlla stivra lea dán lálhkaásahusa bokte addá Sámi allaskuvlla dutkan- ja oahppostivrii fápmudusa mearridit dárkileabbo njuolggáduasid eksámeniid lágideapmái ja čadaheapmái, mat dievasmahttet dán lálhkaásahusa.

§ 28 Fápmuiboahhtin

Lálhkaásahus doaimbagoahhtá 01.03.2011 rájes. Dán beaivvi rájes ii eai leat šat doaimmas Sámi allaskuvlla eksámen ja loahpalaš árvvoštallama njuolggadusat, mas ođđaseamos rievdadusat dohkkehuvvon Oahppolávdegotti čoahkkimis 01.03.2007 áššis OAL 16/07.